

## Cap. I.

# DE NAVIBVS IN GENERE.

### §. 1.

**Q**uanquam in superiori libro Theoria de situ et motu corporum aquae innatantium tam fuse et luculenter est exposita, ut eius eximius usus cum ad naues construendas tum ad dirigendas et gubernandas non difficulter perspiciatur: tamen accurata traditorum praceptorum ad naues cuiusque generis accommodatio eo magis necessaria videtur, quo maiore doctrina nauigationis, propterea quidem ea etiamnunc tractari solet, indiget emendatione. Quae enim in praecedente libro continentur, proprie ad natationem quorumque corporum generatim spectant, neque conclusiones ad nauigationis usum ex iis sunt formatae, nisi quas propositiones tractatae ultra suppeditauerunt. Quod autem potissimum est, regulae, quae quidem sunt prolatae, non solum nimium sunt dispersae, sed etiam quandoque inter se pugnant: ex quo necessitas huius peculiaris tractationis eo magis elucet.

§. 2. Hanc obrem in praesenti libro omnia, quae in praecedente inuenta sunt et demonstrata, ad usum nauigationis atque ad praxin accommodare constitui: quo in negotio singula, quae ad scientiam naualem pertinent, secundum certa capita distribui ac digeri conueniet, quo cunctae huius scientiae partes ordine percurri atque accurate pertractari quam commodissime queant. Tot enim ae tam diuersae sunt res, quibus scientia nautica continetur, ut, nisi singulæ diligentissime seorsim perpendantur,

**Max II.**

A

et

176492

et deinceps summa circumspetione inter se comparentur et coniungantur; vix quicquam ad utilitatem publicam traduci possit. Ne igitur ista tractatio vague instituatur, in hoc capite doctrinam de nauibus ingenere proponam, ut non solum quibus de rebus explicari oporteat intelligatur, sed etiam quem ordinem, quamque operis partitionem sequi expeditat.

§. 3. Quantumuis naues, si in genere considerentur, cum ratione magnitudinis, tum figurae, tum destinatio-  
nis etiam discrepent inter se, tamen omnes communibus aliquot proprietatibus praeditas esse deprehendimus. Primo enim omnes naues ad natandum aptae esse debent, in hocque ipsa nauium essentia continetur: secundo naues a quaque rudi mole, quae pariter aquae innatare valeat, di-  
seernuntur eo, quod cum hominibus tum oneribus quibus-  
vis excipiendis et vehendis sint pares. Tertio omnes na-  
ues etiam in hoc conueniunt, vt ex duabus partibus ae-  
qualibus et similibus constent, si quidem figura externa  
spectetur, quae ambo nauium latera constituant, ac plano  
verticali per medium nauis secundum longitudinem tran-  
seunte a se inuicem secernantur. Quarto quoque omni-  
um nauium hic solet esse finis principalis, vt a viribus  
quibusunque per aquam promoueri queant. Atque his  
quatuor rebus natura nauium ingenere spectatarum aptif-  
sime comprehendi videtur.

§. 4. Si ergo iuxta primam proprietatem commu-  
nem consideremus nauem aquae insidentem vel innatan-  
tem, duae partes inter se maxime diuersae sponte se of-  
ferunt, quarum altera complectitur portionem supra aquae  
superficiem eminentem altera vero portionem sub aqua-

per-

sam : haecque distinctio in examine et diiudicatione navium maximi est momenti. Etsi enim eiusdem nauis prout magis minusue est onerata , ita etiam maior minorue pars sub aqua versatur , atque ipsa pars submersa mutatur , si nauis inclinetur ; tamen hae in aequalitates non admodum spectari solent : sed quando de parte submersa sermo est , quae carina cuiusque nauis appellatur , ea nauis portio intelligitur quae infra aquae superficiem abditur , cum nauis debito modo est onerata , ac situm erectum in aqua tenet.

§. 5. Est itaque carina ea cuiusque nauis portio , quae submersione est destinata , et quae actu infra aquae superficiem versatur tum , quando nauis ita , vt decet , est onusta , neque viribus externis ex situ aequilibrii declinatur. Nititur igitur magnitudo carinae onerum , quibus ferendis nauem parem esse oportet , quantitate et pondere. Quo plura enim onera grauioraque pondera sunt vehenda , eo amplior esse debet carina atque omnino secundum primam hydrostaticae regulam quantitas carinae vniuersae nauis onustae pondere determinatur. Dato enim tam ipsius nauis quam onerum portandorum pondere , volumen carinae tantum esse debet , vt aequale volumen aquae tantudem ponderet , quantum nauis et onera imponenda coniunctim.

§. 6. Cum igitur quantitas totius nauis a quantitate carinae pendeat , haec vero ipsa a pondere nauis onustae , quantitas nauis aptissime definietur pondere ipsius , quando completam habet onerationem. Ita quantitas cuiusque navis commodissime mensuratur numero librarum vel centenario rum pondus nauis debito modo oneratae experimentum. Vel quod eodem redit mensura eadem nauis habebitur , si definiatur

volumen carinae in pedibus cubicis. Nam cum pes aquae cubicus pendat circiter 64 libras, si numerus pedum cubicorum per 64 multiplicetur, prodabit numerus librarum ponderi totius nauis onustae respondens; qui est alter mensurandi modus. Contra vero si detur pondus nauis cum oneribus per libras expressum, numerus librarum per 64 diuisus dabit volumen carinae in pedibus cubicis.

§. 7. Intelligo hic pedes Rhenanos, librasque Parisiinas sedecim vniarum; neque vero ista relatio generatim exactissime definiri potest; cum alia aqua alia sit grauior, atque eo magis, quo plus salis in se continet. Praeterea etiam quantitas onerum non tam accurate solet definiri; sed aliquando plura onera aliquando etiam pauciora imponuntur quam destinatus onerandi modus requirit. Vnde fit ut tam ob ipsam onerum quantitatem, quam ob diuersae aquae grauitatem specificam modo aliquanto maior modo aliquanto minor nauis pars aquae immergitur, quam ea, quae carina vocatur. Interim tamen carina nobis semper erit determinata nauis portio, quae aquam subit quando nauis debitam obtinet onerationem: hocque non obstante, cum maior minorue pars aquae immergitur, eius ratio, si opus fuerit, haberi poterit.

§. 8. Duae ergo memoratae cuiusque nauis partes, quarum altera supra aquam eminet, altera in aquam immegitur, a se inuicem separatur sectione horizontali in ipsa aquae superficie facta; quam sectionem vti in priore libro sectionem aquae appellabimus. Sectio igitur aquae separat partem nauis superiorem a carina, atque est figura terminata, cuius perimeter in ipsa nauis superficie est sita. Ex quo si data fuerit nauis figura externa una cum carina, simul sectio

sectio aquae atque aequatio eius naturam exprimens assig-  
nari poterit. Ex superiore autem libro abunde intelligi-  
tur , quanti sit momenti tam sectionis aquae figuram quam  
ipsius carinae nosse ad naues cum cognoscendas tum diiu-  
dicandas ; ita vt sectio aquae vna sit ex praecipuis rebus,  
quas circa naues contemplari oportet.

§. 9. Si porro ad motum nauium progressuum in  
aqua attendamus , quaelibet nauis in duas partes quoque  
distingui reperietur , quarum altera prora vocari solet , alte-  
ra puppis , quae quidem denominations ex cursu directo  
originem traxerunt , sed tamen etiam si cursus instituatur  
oblique , eadem partes eadem nomina retinent. \*Prora  
vero non tam anterior nauis pars vocatur , quam ea quae  
in motu cum aqua conflictatur ; siue prora ea nauis voca-  
tur pars , quae vel in aquam impingit , vel in quam aqua  
irruit. Atque hinc simul indeoles alterius partis , quae pup-  
pis nominatur , facile perspicitur : puppis namque ea erit  
nauis portio , quae dum nauis in aqua progreditur nullam  
aquaee allisionem patitur ; si quidem cursus sit directus ,  
vti ponimus ; cursus enim obliquus in his nominibus nil  
mutat , quamuis in re ipsa ingens pariat discrimen.

§. 10. Cum igitur superficies nauis , quae quidem sub  
aqua versatur , impulsu aquae eatenus est exposita , qua-  
tenus versus puppim diuergit , ex hoc ipso quantitas pro-  
rae colligi , eaque a puppi discerni poterit. Namque su-  
perficies nauis eo vsque diuergit , quoad fiat amplissima ,  
hincque iterum conuerget , vsque ad extremam puppim.  
Quamobrem ea nauis sectio transuersalis ad directionem cur-  
sus perpendicularis proram terminabit atque a puppi fecer-  
net , quae omnium est amplissima. Hanc igitur sectionem

proram a puppi discernentem , cum sit maximi momenti appellabimus sectionem transuersalem amplissimam , eaque simul erit perpendicularis ad sectionem aquae , quia est ad directionem impulsus aquae normalis.

§. 11. Quanquam ratio huius diuisionis ad solam nauium partem inferiorem seu carinam respicit , tamen etiam superior nauium portio supra aquam eminens simili modo distinguitur. Hanc ob rem sectio nauis transuersalis amplissima non solum carinam , sed etiam vniuersam nauem in duas partes diuidit , quarum altera prorae nomen obtinet altera puppis. Saepenumero quidem difficile est sectio transuersalem amplissimam assignare , cum naues plerumque , vbi sunt amplissimae , per satis longum intervallum aequae ampliae confici soleant. At vbi hoc accedit , vt sectio amplissima per interuallum dispersa esse videatur , perinde est quaenam sectio transuersalis pro amplissima habeatur atque error insensibilis tuto negligi potest.

§. 12. Stabilitis nunc prora et puppi in quacunque naue , quarum illa partem anticam haec posticam repräsentat , vltro se offerunt ambo latera , dextrum alterum , alterum sinistrum. Vocari autem solet latus dextrum id , quod stanti in puppi et proram intuenti ad dextram est situm , sinistrum vero quod huic ad sinistram iacet. Iam autem satis superque colligere licet , ambo haec latera interf se omnino similia esse debere : si enim ad cursum directum respiciamus , nulla foret ratio cur amborum laterum figurae essent dissimiles : eaedemque rationes , quae figuram alterius lateris determinant , simul quoque alterius lateris figurum determinabunt. Quod autem ad cursum nauium obliquum attinet , quia is in vtrumque latus aequae declinare

re solet , propter eum quoque vlla dissimilitudo inter ambo latera intercedere nequit. Denique ista similitudine laterum venustati maxime consultitur.

§. 13. Cum igitur in qualibet naui ambo latera debeant esse similia , cunctae naues plano diametrali praeditae sint necesse est , hoc est eiusmodi sectione , qua tota navis in duas partes similes et aequales diuidatur. Istud ergo planum diametrale erit verticale , si quidem vti ponimus nauis situm obtinet directum , quoniam in neutrum latus inclinatio esse potest : ac quia hoc planum diametrale a prora ad puppim porrigitur , simul erit normale ad sectionem transuersalem amplissimam. Quamobrem tam sectio aquae quam sectio transuersalis amplissima figurae erunt diametro gaudentes ; in vtraqne enim figura intersectio plani diametralis praebebit diametrum , similemque ob rationem omnes sectiones , quae vel sunt horizontales , hoc est sectioni aquae parallelae , vel sectioni transuersali amplissimae parallelae diametrum habebunt , quam pariter planum diametrale in iis designabit.

§. 14. Tres itaque habemus in quaque naui principales sectiones , quarum vna est horizontalis secundum aquae superficiem facta seu sectio aquae , reliquae autem dñe sunt verticales , altera sectio transuersalis amplissima , altera vero ipsum planum diametrale : hisque tribus sectionibus cognitis , satis prope totius nauis figura determinabitur , si praeter has principales sectiones omnes sectiones iis parallelae definitur. Neque vero ad hoc opus est , vt omnium harum sectionum figurae determinentur , sed sufficit , si vel solae sectiones horizontales omnes vel alterae verticales solae in notescant , cum istis reliquae sponte determinentur .

determinentur. Ad nauium autem constructionem expedit sectiones parallelas amplissimae sectioni transuersali assignare , quia secundum has constructio nauium praecipue diriguntur.

§. 15. Si autem ad theoriam , qua constructio et gubernatio nauium nititur , respiciamus ; parum refert quamnam figuram habeat portio nauis superior ex aqua eminens , cum ea neque pressionem nec impulsu aquae excipiat ; hancobrem praecipue in figura carinae inuestiganda operam collocabimus , atque tantisper a parte superiore cogitationes omnino abstrahemus. Si enim pro quoquis instituto forma carinae commodissima fuerit definita , non est difficile partem superiorem ad circumstantias praesentes accommodare : qua quidem in re finis potissimum , cui nauis destinatur , est spectandus , vt tum ad onera gestanda , tum ad operationes necessarias absoluendas pars superior maxime sit accommodata : imprimis autem , cum haec pars sola in aspectum cadat , decori et venustatis ratio est habenda.

Tab. I. §. 16. Consideremus igitur carinam cuiusuis nauis   
fig. 1. orsim , cuius sectio aquae sit figura plana AEBF in horizonte repraesentata , atque ADB denotet planum diametrale , ita vt recta AB sit diameter orthogonalis sectionis aquae : sectio vero transuersalis amplissima sit EDF , cuius diameter erit recta verticalis CD , in qua intersecatur a plato diagonali. Huius ergo carinae prora erit portio ADEF , puppis vero reliqua pars BDEF , quae a se mutuo secernuntur per sectionem transuersalem amplissimam EDF. Quaecunque nunc sit huius carinae figura , eius natura aptissime exprimetur per aequationem tres variabiles inuoluentem. Scilicet pro prora definienda , sumto in

in C initio abscissarum, ponatur abscissa quaecunque CX =  $x$ ; portioque applicatae sectionis aquae XR quaecunque XY =  $y$ ; atque longitudo verticalis ex Y ad carinam usque demissa YZ =  $z$ ; quo facto aquatio inter  $x$ ,  $y$ , et  $z$  exprimet naturam prorae, similius modo puppis natura exprimetur.

§. 17. Ex aequatione autem inter  $x$ ,  $y$  et  $z$  vel data vel inuenta tota carinae figura facile reperietur et ad usum delineabitur. Primo enim si ponatur  $z=0$ , aequatio inter  $x$  et  $y$  exprimet naturam sectionis aquae AEBF, ita ut  $x$  sit abscissa CX et  $y$  applicata XR. Deinde si fiat  $y=0$  punctum Z cadet in V, eritque XV =  $z$ : ex quo aequatio inter  $x$  et  $z$  exprimet naturam plani diametralis ADB, existente  $x$  abscissa CX et  $z$  applicata XV. Denique si in aequatione proposita trium variabilium ponatur  $x=0$ , cadet Y in P et Z in M, atque aequatio inter  $y$  et  $z$ , quarum illa  $y$  exponit abscissam CP haec vero  $z$  applicatam PM; praebet naturam sectionis transuersalis amplissimae EDF.

§. 18. Eadem vero aequatio naturam carinae exprimens per tres variabiles  $x$ ,  $y$  et  $z$ , non solum tam facile praebet tres memoratas sectiones principales, sectionem aquae scilicet, planum diametrale et sectionem transuersam amplissimam, sed etiam sectiones quacunque his parallelas. Nam si ponatur variabilis  $x$  constans, tum aequatio inter  $y$  et  $z$  exprimet naturam sectionis transuersae RZVS sectioni amplissimae parallelae inter eius abscissam XY =  $y$  et applicatam YZ =  $z$ ; quae sectio distabit a principali EDF, cui est parallela inter intervallo CX =  $x$ . Simili modo si  $y$  ponatur constans sectio

habebitur plano diametrali parallela ab eoque distans interualllo  $y$ ; cuius natura exprimetur aequatione inter coordinatas  $x$  et  $z$ . Denique si variabilis  $z$  ponatur constans prodibit aequatio inter coordinatas  $x$  et  $y$  naturam sectionis horizontalis a sectione aquae interuallo  $z$  dissitae exponens.

§. 19. Si igitur descriptionem ad receptum naues construendi modum maxime accommodare velimus, conueniet singulas sectiones transuersales, verticales felicet et plano diametrali normales determinari et describi. Neque vero omnes has sectiones, quarum numerus foret infinitus, representare necesse est; verum sufficit aliquot earum datis interuallis a sectione amplissima tam versus proram quam versus puppim distantes describere, cum intermediae vi structuae ex his sponte determinentur. Si enim figura puppis et prorae fuerit continua, tum sectiones transuersae puppim spectantes obtinebuntur tribuendis ipsi  $x$  negatiuis valoribus. Sin autem natura puppis peculiari exprimatur aequatione, tum ex hac ipsa aequatione sectiones transuersales puppis simili modo definientur, quae, quae in prora sunt sitae, ex aequatione naturam prorae exprimente.

§. 20. Cum igitur imprimis volumen carinae nosse oporteat, ostendendum est, quomodo quantitas huius voluminis ex aequatione inter memoratas tres variables commodissime determinari queat. Ad hoc autem requiritur, ut aequatio ista tres variables continente differentietur; ponamus ergo prodiisse hanc aequationem  $Pdx + Qdy + Rdz = 0$ ; quae innumerabilibus formis exprimi potest, prout integralis ante differentiationem fuerit disposita.

Ponamus nunc  $x$  constans, habebitur ob  $dx=0$  haec aequatio  $Qdy + Rdz = 0$  ad sectionem RVS pertinens, quare cum sit  $dy = -\frac{Rdz}{Q}$  erit area  $\text{XYZV} = \int z dy = \int -\frac{Rzdz}{Q}$  integrali ita sumto vt euaneat posito  $y=0$ . Si iam in hoc integrali ponatur  $z=0$ , dabit  $\int -\frac{Rzdz}{Q}$  aream XVR, ac  $2 \int -\frac{Rzdz}{Q}$  aream totius sectionis transuersae RVS; eo quod omnes hae sectiones constant ex duabus partibus aequalibus et similibus.

§. 21. Quoniam ergo in integrali  $2 \int -\frac{Rzdz}{Q}$  positum est  $z=0$ , quo casu abit  $y$  in XR, quae est applicata sectionis aquae, ideoque per abscissam respondentem CX =  $x$  determinatur ope aequationis naturam sectionis aquae continentis: expressio  $2 \int -\frac{Rzdz}{Q}$  erit functio ipsius  $x$  tantum, neque amplius quantitates  $y$  et  $z$  in se comprehendet. Quare si ea multiplicetur per  $dx$ , erit  $2 dx \int -\frac{Rzdz}{Q}$  elementum solidi EDFSRV, ex quo hoc volumen erit  $= 2 \int dx \int -\frac{Rzdz}{Q}$ , integrali ita accepto, vt euaneat posito  $x=0$ . Si igitur post integrationem hanc ponatur  $x=CA$ , praebebit integrale prodiens soliditatem prorae, ad quam si addatur soliditas puppis simili modo inuenienda, habebitur integrum carinae volumen, quod quaerebatur.

§. 22. Praeter hanc expressionem plures aliae exhiberi possunt, quae pariter ac illa soliditatem propositae carinae exponent, prout alia atque alia voluminis elementa considerentur. Primo enim cum spatii XYZV elementum sit  $zdy$ , dabit  $2 \int zdy$  aream RVS, si ita integretur, vt euaneat posito  $y=0$ ; tumque ponatur  $z=0$ . Simili modo eadem area exprimetur formula  $2 \int ydz$ , integrali ita sumto, vt euaneat posito  $z=0$ , tumque ponatur  $y=0$ .

$\equiv o$ . Quare tam  $2 \int dx \int z dy$ , quam  $2 \int dx \int y dz$  praebebit soliditatem prorae integralibus ita sumtis vt euaneant posito  $x = o$ , tumque ponatur  $x = AC$ . Expedit autem eiusmodi formulas integrales inducere, quae euaneant, si ea quantitas cuius differentiale inest, ponatur  $= o$ .

§. 23. Pari modo si ponatur  $y$  constans, expressio  $\int z dx$  ita integrata vt euanescat posito  $x = o$ , si tum ponatur vel  $z = o$  vel  $x = AC$ , dabit sectionis prorae plano diametrali parallelae per Y factae aream; hincque  $2 \int dy \int z dx$  exprimet soliditatem totius prorae, si quidem integrale ita capiatur, vt euanescat posito  $y = o$ , tumque fiat  $y = CE$ . Eodem modo illa sectio piano diametrali parallela exprimetur formula  $\int x dz$  integrali ita sumto vt euanescat posito  $z = o$ , tumque fiat vel  $x = o$  vel  $z = CD$ , vnde integrale  $2 \int dy \int x dz$  quoque soliditatem prorae exhibebit. Denique si initio  $z$  ponatur constans formulae  $2 \int y dx$  et  $2 \int x dy$  debito modo integratae dabunt sectiones prorae horizontales, ideoque tam formula  $2 \int dz \int y dx$  quam  $2 \int dz \int x dy$  expriment prorae volumen: ita vt sex diuersae habeantur expressiones ad soliditatem prorae inueniendam.

§. 24. Cum autem haec ita late pateant, vt eorum usus difficulter perspici possit, conueniet hoc ipsum problema specialius pertractari, atque ad utilitatem constructionis accommodari. Hoc in negotio sequemur methodum iam in superiore libro adhibitam, qua omnes sectiones vni ex tribus principalibus parallelas inter se vel similes vel affines posuimus. Ex hac tractatione id nanciscemur commodi, vt data carina non difficulter in aequationem possit redigi: consideratis enim tribus sectionibus principi-

principalibus iisque ad aequationes reuocatis facile iudicare licebit, vtrum sectiones vni earum parallelae sint similes an affines: quorum vtrumuis si fuerit compertum aequatio localis naturam istius carinae continens exhiberi poterit. Hanc obrem modum aperiam, cuius ope cum ex similitudine tum ex affinitate sectionum parallelarum tam aequatio localis inter tres coordinatas formari quam volumen definiri queat.

§. 25. Quod primo ad similitudinem figurarum attinet, eius quidem notio ex elementis satis habetur distincta: attamen expediet eam ad nostrum usum adaptare. Sit igitur CED semissis sectionis cuiusdam principalis, scilicet <sup>Tab. I.</sup> vel sectionis amplissimae vel sectionis aquae, vel etiam <sup>fig. 2.</sup> portio plani diametralis siue in prora siue puppi sumta; cui omnes sectiones parallelae sint similes, quarum una sit figura *ced*. Si iam detur figura CED basin habens CE et altitudinem CD, ad aliam quamcunque basin *ce* figura similis *ced* describi poterit. Primo enim ex similitudine erit  $CE : CD = ce : cd$ , unde altitudo *cd* datur. Deinde sumta abscissa quacunque *cp*, quae sit ad CP vt *ce* ad CE erit applicata *pm* ad PM pariter vt *ce* ad CE unde constructio figurae *ced* admodum commoda consequitur.

§. 26. Deinde etiam, si detur aequatio naturam figurae CED exprimens, ex ea aequatio ad figuram quamcunque ipsi similem facile elicetur. Vocentur enim  $CE = A$ ;  $CP = X$  et  $PM = Y$ , dataque sit aequatio, qua relatio inter X et Y continetur: si ponatur  $ce = a$ , ac capiatur  $cp = x = \frac{ax}{A}$ , erit  $pm = y = \frac{ay}{A}$ . Quare cum sit  $X = \frac{ax}{a}$  et  $Y = \frac{ay}{a}$ , si isti valores in aequatione inter X et Y naturam curvae CED exprimente loco X et Y

substituantur prodibit aequatio inter  $x$  et  $y$ , qua natura curuae similis  $ced$  ad datam basin  $ce$  applicata exprimitur: hocque pacto aequationes pro omnibus sectionibus ipsi CED similibus reperientur.

§. 27. Si igitur figurae similis  $ced$  construendae proposita fuerit sola basis  $ce$ , ex ea tota figura determinatur: ideoque eius altitudo  $cd$  sponte definitur; posita enim figurae principalis altitudine  $CD=B$ , ob  $CD : cd = CE : ce$  erit  $cd = \frac{aB}{A}$ . Porro quoque area cuiusvis figurae similis  $ced$  ex area figurae principalis CED data assignari potest: namque posita area  $CED=E$ , cum areae figurarum similium teneant rationem duplicatam laterum homologorum, erit area figura  $ced = \frac{a^2 E}{A^2}$ . Idem ostendit calculus; cum enim sit area  $CED = \int Y dX = E$ , atque area  $ced = \int y dx$  integralibus ad integras figuras extensis; erit ob  $y = \frac{aY}{A}$  et  $x = \frac{aX}{A}$  area  $ced = \int \frac{a^2 Y dX}{A^2} = \frac{a^2 E}{A^2}$ .

§. 28. Antequam figuras similes relinquamus conueniet in earum centrum grauitatis inquirere, cum eius notitia absolute sit necessaria ad nauium proprietates reliquas eruendas. Ponamus itaque figurae principalis CED datum esse centrum grauitatis, idque situm esse in puncto G. ita ut ambo interualla GH et CH sint cognita. Hinc ergo figurae similis  $ced$  centrum grauitatis  $g$  in simili loco erit positum, atque interualla  $gb$  et  $cb$  ad interualla GH et CH rationem habebunt laterum homologorum  $ce$  ad  $CE$ : ex quo erit  $gb = \frac{a \cdot GH}{A}$  et  $cb = \frac{a \cdot CH}{A}$ . Hacque proprietate calculus centri grauitatis alias perquam prolixus mirifice contrahitur ac simplicior redditur.

§. 29. Figurae, quas hic vocamus affines, multo latius patent quam similes, hasque sub se complectuntur. Quemadmodum enim figura similis, si eius vnica quantitas detur, ex figura principali tota determinatur, ita ad figuram affinem determinandam duo latera protubitu mere licet. Repraesentet enim CED figuram principalem, cuius basis sit CE et altitudo CD; huic figurae affinis poterit assignari, quae non solum datam habeat basem  $ce$  sed etiam datam altitudinem  $cd$ . Ita autem hae figurae affines sunt comparatae, vt si capiantur abscissae CP,  $cp$  basibus CE et  $ce$  proportionales, applicatae PM et  $pm$  sese sint habiturae vti altitudes CD et  $cd$  ex quo si descripta sit figura principalis CED, huius proprietatis ope ad quamvis propositam basin et altitudinem figura affinis facile delineari poterit. Intelligitur ergo, si accidat vt sit  $cd : ce = CD : CE$  tum figuram affinem  $ced$  abire in similem.

§. 30. Quod si ergo detur aequatio naturam figurae principalis CED exprimens in promptu erit aequationem pro figura quacunque affini exhibere. Positis enim  $CE = A$ ,  $CD = B$ ; abscissa  $CP = X$  et applicata  $PM = Y$ , data sit aequatio inter X et Y: figurae autem affinis describendae  $ced$  sit basis  $ce = a$ , altitudo  $cd = b$ , abscissa  $cp = x$  et applicata  $pm = y$ . His ergo positis ex natura affinitatis sequitur, si fuerit  $A : a = X : x$  fore  $B : b = Y : y$ ; vnde fit  $x = \frac{ax}{A}$  seu  $X = \frac{Ax}{a}$ , atque  $y = \frac{by}{B}$  seu  $Y = \frac{By}{b}$ . Quamobrem si in aequatione in X et Y data scribatur  $\frac{Ax}{a}$  loco X et  $\frac{By}{b}$  loco Y, prodibit aequatio inter x et y pro curva affini  $ced$ .

§. 31. Quod ad areas figurarum affinum attinet eae se habebunt in ratione composita basium et altitudinum, ita vt, si area figurae principalis CED fuerit  $= E$ , area figurae  $c ed$  futura sit  $= \frac{abE}{AB}$ . Namque figurae  $c ed$  area est  $= \int y dx$  integratione per totam figuram exoluta; cum autem sit  $y = \frac{bY}{B}$  et  $x = \frac{aX}{A}$ , erit  $\int y dx = \frac{ab}{AB} \int Y dX$ . At  $\int Y dX$  exhibet aream figurae principalis CED quam posuimus  $= E$  ita vt sit  $\int Y dX = E$ ; quocirca area figure affinis  $c ed$  erit  $= \frac{abE}{AB}$ . Nouo igitur calculo non erit opus ad areas figurarum affinum determinandas, sed eae pariter ac figurae similes ex data figurae principalis area definiri possunt.

§. 32. Pari facilitate locus centri gravitatis in quaque figura affini determinari poterit, si datus fuerit locus centri gravitatis in figura principali, qui sit G. Cum enim ducta ex G ad basin CE perpendiculari GH sit  $GH = \frac{\int y Y dX}{\int y dX}$  atque  $CH = \frac{\int y X dX}{\int y dX}$ , integralibus debito modo sumtis, vt ad totam figuram pateant: si figurae affinis centrum gravitatis situm sit in g, erit pari modo  $gb = \frac{\int yy dx}{\int y dx}$ ; et  $cb = \frac{\int y x dx}{\int y dx}$ . At ob  $x = \frac{aX}{A}$  et  $y = \frac{bY}{B}$ , erit  $gb = \frac{b \int yy dX}{\int y dx} = \frac{b \cdot CH}{B}$ , atque  $cb = \frac{a \int y x dx}{\int y dx} = \frac{a \cdot CH}{A}$ . Vnde erit  $CH: cb = CE: ce$ ; atque  $HG: bg = CD: cd$ , quae analogiae punctum g praebent facillime.

§. 33. Hae autem figurae tam similes quam affines sufficere videntur ad formas omnium omnino nauium representandas, saltem vero proxime; in praxi enim minutiae sunt negligendae. Hinc igitur orientur sex nauium species, quarum prima eas naues comprehendat, in quibus omnes sectiones horizontales sint sectioni aquae similes: secunda species

cies vero eas, quae habent omnes sectiones transuersales sectioni amplissimae parallelas eidem similes: ad tertiam vero eae pertineant naues, in quibus sectiones verticales plano diametrali parallelae eidem sint similes. Pari modo species quarta, quinta et sexta eas complectentur naues, in quibus sectiones, quae in prioribus speciebus erant similes tantum sunt affines. Atque ad aliquam harum sex specierum cunctae naues referri posse videntur, quamobrem singulas has species percurramus praecipuasque proprietates recenseamus.

§ 34. Sit igitur ADB carina nauis, cuius figura ad <sup>Tab. II.</sup>  
<sub>fig. 2.</sub> primam speciem pertineat: existentibus omnibus sectionibus horizontalibus SRTQ sectioni aquae AFBE similibus, quae omnes similiter fecentur a sectione amplissima EFD. Posito plano diametrali ADB, vocetur  $AC = a$ ,  $CE = CF = b$ ; et  $CD = c$  ac cum sectio aquae AEBF data sit, ponatur abscissa eius  $CI = p$ ; et applicata  $IK = IL = q$ ; dabiturque aequatio inter  $p$  et  $q$ , qua natura sectionis aquae exprimetur. Ponamus porro datam esse sectionem amplissimam EDF, cuius diameter est CD; ita ut vocatis abscissa  $CP = r$  et applicata  $PQ = s$  habeatur aequatio relationem inter  $r$  et  $s$  continens. Hisque datis duabus sectionibus principalibus tota carinae figura determinabitur ex similitudine sectionum horizontalium.

§. 35. Concipiatur sectio horizontalis SQTR per punctum P facta, ac cum tam portio proram spectans QSR similis sit portioni sectionis aquae in prora sitae EAF, quam portio puppis QTR portioni EBF, erit ex natura similitudinis  $CE : CA = PQ : PS$  vnde fit  $PS = \frac{as}{b}$ . Cum autem PS sit applicata in plano diametrali ADB

*Pars II.*

C

repon-

respondens abscissae  $CP = r$ , dabitur simul aequatio natu-  
ram plani diametralis exprimens ex aequatione inter  $r$  et  $s$   
data. Ex quo perspicitur in hac nauium specie sectio-  
nem amplissimam et planum diametrale a se inuicem pen-  
dere, ita vt data alterius figura simul figura alterius de-  
terminetur: ideoque perinde est, vtra harum sectionum  
cum sectione aquae coniungatur ad totam figuram deter-  
minandam. Sunt igitur portio plani diametralis ACD et  
semassis sectionis amplissimae ECD figurae affines commu-  
nem altitudinem CD habentes: similiique modo figura  
CDB his erit affinis ob  $CB : PT = CE : PQ$ ; atque om-  
nes sectiones verticales per punctum C factae erunt figu-  
rae affines eandem habentes altitudinem CD sed diuersas  
bases.

§. 36. Quoniam figura QSR similis est figurae EAF  
sumatur in eius diametro abscissa PO similis abscissae CI,  
ita vt sit  $b : s = p : PO$ , seu  $PO = \frac{ps}{b}$ ; erit applicata re-  
spondens  $OZ = OW = \frac{qs}{b}$ . Ducantur nunc rectae verti-  
cales OX et ZY, atque cum Z sit punctum in super-  
ficie carinae, eius situm ope aequationis tres variabiles in-  
voluentis definiamus. Hunc in finem vocentur  $CX = x$   
 $XY = y$  et  $YZ = z$ : eritque  $x = \frac{ps}{b}$  ob  $CX = PO$ ; por-  
ro  $y = \frac{qs}{p}$  ob  $XY = OZ$ ; atque  $z = r$  ob  $YZ = XO =$   
 $CP$ . Cum autem detur aequatio inter  $r$  et  $s$ , aequabi-  
tur  $s$  functioni cuidam ipsius  $z$ , quae in aequationibus  
 $x = \frac{ps}{b}$  et  $y = \frac{qs}{b}$  substituatur. Denique ob  $q$  per  $p$  da-  
tam eruatur valor vtriusque ex aequatione  $\frac{x}{y} = \frac{p}{q}$ , eiusque  
valor in alterutra substitutus dabit aequationem inter  $x$  et  $y$   
et  $z$ , qua natura superficie propositae exprimetur.

§. 37. Cum igitur aequatio inter tres coordinatas orthogonales  $x$ ,  $y$  et  $z$  naturam superficiei cuiusuis aptissime exprimat, operae pretium erit inuestigare cuiusmodi formam habitura sit ista aequatio, quando ad figuram huius speciei pertinet: vt deinceps, si vicissim aequatio propo-natur, iudicare queamus, an figura per aequationem expressia ad primam hanc speciem referenda sit an secus. Cum ergo sit  $r=z$  et  $s$  per  $r$  detur, erit  $s$  functioni ipsius  $z$ , quae sit  $Z$ : dèinde cum sit  $\frac{p}{q} = \frac{x}{y}$  atque  $q$  per  $p$  detur, aequabitur  $p$  functioni nullius dimensionis ipsarum  $x$  et  $y$ . Quare ob  $x = \frac{ps}{b} = \frac{pz}{b}$ , erit  $Z = \frac{bx}{p}$ , hoc est functio quaepiam ipsius  $z$  aequalis erit functioni vnius dimensionis ipsarum  $x$  et  $y$ : haecque est proprietas essentialis aequationum figurarum ad hanc primam speciem pertinentes complectentium.

§. 38. Quoniam deinde ad constructionem nauium maxime requiritur, sectiones transuersales sectioni amplissimae EDF parallelae definiantur, ponamus eiusmodi sectionem fieri per punctum X, erit huius sectionis abscissa XY =  $y$  et applicata respondens YZ =  $z$ , quia vero interuallum CX pro hac sectione est constans, ponatur CX =  $x = g$ ; atque in sectione aquae ducatur ordinata quaeunque KIL, existente CI =  $p$  et IK =  $q$ . Cum iam sit  $x = \frac{ps}{b}$ , erit  $s = \frac{bg}{p}$ . In sectione igitur amplissima CDE sumatur applicata PQ =  $\frac{bg}{p} = \frac{CE \cdot CX}{CI}$  cuius proinde respondens abscissa CP dabitur. Sumta ergo pro sectione quaevisa abscissa XY =  $\frac{qs}{b} = \frac{gq}{p} = \frac{CX \cdot IK}{CI}$ ; habebitur applicata respondens YZ = CP; vnde tam natura quam constructio singularium sectionum transuersalium cognoscitur.

§. 39. Ut denique soliditatem istius carinae reperiamus, sit area totius sectionis aquae AEBF  $\equiv E$ ; ex qua ob similitudinem habebitur area sectionis SQTR illi similis  $\equiv \frac{PQ^2 \cdot E}{CE^2} \equiv \frac{Es^2}{b^2}$  quae multiplicata per differentiale altitudinis  $CP \equiv \frac{r}{p}$ , dabit elementum soliditatis  $\equiv \frac{Es^2 dr}{b^2}$ . Ex quo volumen carinae inter sectionem aquae AEBF et hanc sectionem illi parallelam SQTR comprehensae erit  $\equiv \frac{E}{b^2} \int s^2 dr$  integrali ita sumto, vt euanescat posito  $r \equiv 0$ . Quare si post integrationem formulae  $\int s^2 dr$  hoc modo institutam ponatur  $r \equiv CD \equiv c$ , prodibit totius carinae volumen  $\equiv \frac{E}{b^2} \int s^2 dr$ , quod igitur tum ab area sectionis aquae tum a natura sectionis amplissimae pendebit.

§. 40. Ad quantitatem voluminis carinae commodius exprimendam eiusque inventionem faciliorem reddendum sit sectionis amplissimae EDF area  $\equiv F$ , atque huius sectionis semissis CDE centrum gravitatis situm sit in  $g$ , ex quo ad CD ducatur perpendicularis  $gG$ . Quibus factis erit  $F \equiv 2 \int s dr$ , atque  $Gg \equiv \frac{\int s^2 dr}{2 \int s dr}$ , his integralibus ita acceptis vt euanscant posito  $r \equiv 0$ , tumque facto  $r \equiv CD \equiv c$ . Hinc itaque erit  $\int s^2 dr \equiv 2 Gg$ .  $\int s dr \equiv F$ .  $Gg$ . Quocirca soliditas carinae propositae erit  $\equiv \frac{E \cdot F \cdot Gg}{b^2} \equiv \frac{E \cdot F \cdot Gg}{CE^2}$ ; unde facilis regula pro inuenienda carinae soliditate practice emergit. Scilicet productum ex areis sectionis aquae et sectionis amplissimae multiplicetur per interuallum  $Gg$ , et quod resultat diuidatur per quadratum  $CE$ , quotusque indicabit volumen carinae quaesitum.

§. 41. Ut haec clarius inspiciantur iuuabit rem exemplo illustrasse, sit igitur sectio aquae AEBF ellipsis centrum habens in  $C$ , cuius axes sint  $AB \equiv 2a$  et  $EF \equiv 2b$ ; erit

erit ex natura ellipsis  $q = \frac{b}{a} \sqrt{(a^2 - p^2)}$ ; atque posita ratione diametri ad peripheriam  $= 1 : \pi$  erit area sectionis aquae  $= \pi ab$ . Sit praeterea sectio amplissima EDF parabola verticem habens in D, erit ex natura parabolae  $s = b \sqrt{\frac{c-r}{c}}$ . Hinc statim natura plani diametralis ADB innotescet, quae pariter erit parabola verticem in D et axem DC habens. Nam eius applicata PS abscissae CP respondens erit  $= \frac{as}{b} = a \sqrt{\frac{c-r}{c}}$ . Illius quidem parabolae sectionem amplissimam exhibentis parameter est  $\frac{bb}{c}$ , huius vero parameter est  $= \frac{aa}{c}$ .

§. 42. Aequatio vero inter tres variabiles CX  $= x$ ; XY  $= y$  et YZ  $= z$ , quae naturam huius carinae exprimat, inuenietur ex tribus hisce aequalitatibus,  $z = r$ ;  $x = \frac{ps}{b}$  et  $y = \frac{qs}{b}$ . Quoniam ergo est  $z = r$  erit  $s = b \sqrt{\frac{c-z}{c}}$ : atque equatio  $\frac{x}{y} = \frac{p}{q} = \frac{ap}{b\sqrt{(a^2-p^2)}}$ , dabit  $p = \frac{abx}{\sqrt{(a^2y^2+b^2x^2)}}$ . His ergo valoribus loco  $p$  et  $s$  in aequatione  $x = \frac{ps}{b}$  substitutis prodibit  $\sqrt{c(a^2y^2+b^2x^2)} = ab \sqrt{(c-z)}$ , seu  $a^2cy^2 + b^2cx^2 = a^2b^2c - a^2b^2z$ , vnde habebitur  $z = \frac{(a^2b^2 - a^2y^2 - b^2x^2)}{a^2b^2} c$  quae est aequatio localis ad superficiem propositam: in qua cum variabiles duabus plures dimensiones non habeant, omnes sectiones vtcunque factae erunt sectiones conicae.

§. 43. Ex aequatione locali inuenta intelligitur omnes sectiones transuersales sectioni amplissimae parallelas quoque esse parabolas, itemque omnes sectiones plano diametrali parallelas. Quamobrem in hac figura non solum sectiones horizontales omnes sunt figurae inter se similes, sed etiam sectiones verticales, quae tam sectioni amplissimae quam plano diametrali sunt parallelae, inter se erunt

similes, ex quo ista figura non solum ad primam speciem, sed simul ad secundam et tertiam pertinet. Soliditas autem huius figurae facile inuenitur; cum enim sit  $E = \pi ab$  et  $\int ssdr = \frac{bb}{c} fdr (c-r) = \frac{bb}{2c} (2cr - rr)$ , ponatur  $r = c$  fiet  $\int s^2 dr = \frac{bbc}{2}$ : ex quo huius carinae volumen, quod generaliter erat  $= \frac{E}{bb} \int s^2 dr$  prodibit  $= \frac{\pi b^3 c}{6}$ .

§. 44. Ad nauium speciem secundam referuntur eae figurae, in quibus omnes sectiones parallelae sectioni amplissimae eidem sunt similes. Huiusmodi igitur carinam

Tab. III. fig. I. representet figura AEDFB, in qua sit AEBF sectio aquae, ADB planum diametrale, atque EDF sectionem transuersalem amplissimam, cui facta sit sectio quaecunque parallelarum RVS, quae ideo illi erit similis. Ex quo sequitur fore  $CE : CD = XR : XV$ , atque hanc ob analogiam planum diametrale ADB et semisectione aquae AEB erunt figurae affines super eadem basi AB constitutae. Si ergo alterutra harum duarum sectionum fuerit data, altera simul determinatur. Ad totius igitur figurae determinacionem sufficit assumisse duas sectiones amplissimam scilicet EDF et sectionem aquae AEBF.

§. 45. Maneant ut ante  $AC = a$ ,  $CE = CF = b$  et  $CD = c$ ; et pro sectione amplissima posita abscissa CP  $= p$ ; PM  $= q$ , data erit aequatio inter  $p$  et  $q$ : in sectione aquae autem sumta abscissa CX  $= r$ , sit applicata  $XR = s$  data per  $r$ . Eidem autem abscissae CX  $= r$ , quatenus pertinet ad planum diametrale ACD respondebit applicata  $XV = \frac{cs}{b}$  ex natura similitudinis. Capiatur iam in sectione transuersali RVS abscissa XY similis abscissae CP,

CP, seu  $XY = \frac{ps}{b}$  erit applicata respondens  $YZ = \frac{qs}{b}$ . Ex hac itaque similitudinis conditione, si datae fuerint trium sectionum principalium duae, sectio aquae scilicet et sectio amplissima, omnes sectiones isti posteriori parallelae facile definientur, atque adeo tota carinae figura leui negotio describi poterit.

§. 46. Sequenti autem modo pro huius modi figuris ad secundam speciem pertinentibus aequatio localis inter tres variabiles reperietur. Cum Z sit punctum in superficie carinae, ponatur  $CX = x$ ,  $XY = y$  et  $YZ = z$ , erit  $x = r$ , atque ob s datam per r, fiet s functio quaedam ipsius x, quae sit  $= X$ , ita vt sit  $s = X$ . Hanc ob rem erit  $XY = y = \frac{px}{b}$ , et  $YZ = z = \frac{qx}{b}$ ; ideoque  $\frac{y}{z} = \frac{p}{q}$ . Verum quia q per p datur, ex aequatione  $\frac{y}{z} = \frac{p}{q}$  valor ipsius p ita definietur, vt fiat p = functioni cuidam ipsarum y et z nullius dimensionis; qui valor in aequatione  $y = \frac{px}{b}$  substitutus dabit  $X = \frac{by}{p}$  seu functio quaedam ipsius X aequabitur functioni cuidam ipsarum y et z vnius dimensionis.

§. 47. Ad soliditatem vero seu capacitatem istius modi carinae inueniendam ponatur area sectionis amplissimae EDF = E, eritque ex natura similitudinis area sectionis RVS =  $\frac{Es^2}{bb}$ ; quae ducta in dr dabit elementum voluminis EDFSRV =  $\frac{Essdr}{bb}$ ; ex quo ipsum hoc volumen erit =  $\frac{E}{bb} \int s^2 dr$ . Quare si post integrationem formulae  $\int s^2 dr$  ita institutam, vt ea euaneat posito  $r = o$ , fiat  $r = CA = a$ , prodibit volumen totius prorae AEFD. Simili vero calculo obtinebitur volumen partis posterioris BEFD seu puppis, quod ad prius volumen prorae additum dabit totius

totius carinae volumen: ex quo deinceps totius nauis pondus innoteſcat.

§ 48. Soliditas igitur istiusmodi carinae partim per aream sectionis amplissimae EDF=E partim per formulam integralem  $\int s s dr$ , quae a natura sectionis aquae pendet, determinatur. Ut autem haec ad praxin accommodentur, notandum est  $\int s s dr$  partim ex area sectionis aquae, partim ex situ centri grauitatis semissis istius sectionis aquae determinari. Posita enim area totius sectionis aquae AEBE=F, ac semissis AEB centro grauitatis in g; si ex g ad AB ducatur normalis gG, erit haec ipsa gG =  $\frac{\int s s dr}{\int s dr} = \frac{F}{F}$ , ex quo fit  $\int s s dr = F \cdot Gg$ . Hanc obrem propositae carinae volumen seu soliditas erit =  $\frac{F \cdot F \cdot Gg}{bb} = \frac{E \cdot F \cdot Gg}{CE^2}$ . Quae expressio ab illa, qua soliditas figuram primae speciei continebatur, hoc tantum differt, quod hic distantia centri grauitatis semissis sectionis aquae AEB ab axe AB in gradiatitur, ibi autem distantia centri grauitatis semissis sectionis amplissimae CDE ab axe CD.

§. 49. Ad hanc ergo secundam speciem innumera-biles pertinent figurae, inter quas figurae rotundae, quae inter curuilineas fere solae adhuc sunt considerari solitae, continentur: cuiusmodi sunt eae figurae, quae reuolutione figurae AEB circa axem AB generantur. Tum enim omnes sectiones ad axem AB normaliter factae sunt semi-circuli, eoque ipso sectioni amplissimae parallelae ac similes. Pro huiusmodi igitur corporibus, si ratio diametri ad peripheriam ponatur  $1 : \pi$  erit sectionis amplissimae EDF area, quae posita est =  $E = \frac{\pi CE^2}{2}$ ; ex quo totius figurae volumen prodit =  $\frac{\pi F \cdot Gg}{2}$ . His igitur casibus volumen re-

perie-